

MILA ETA MARIA ANGELES

1

Nire bizitza bedeinkatu dau
Jainkoak eskuzabalez,
beti egon naz inguraturik
lagun zintzo ta maitalez.
Danen artean aitatzen ditut
Mila ta Maria Angeles,
eurokaitik gaur zelan eskertu
Jainkoari behar dan lez?

3

Jaunak Beretzat oso-osorik
aukeratuak baidira,
Berak bialdu zituan pozik
goizetik bere mahastira.
Bai gogo beroz erantzun zuek
zeuen dohaien neurrira,
ezagun da noiz sartu zineen
Izurtza ta Mañarira.

5

Andereino lez ekin ondoren
Ikastolako lanari,
eleiz-ardurak sortzen deutsiez
neke, arazo ugari.
Asko erein ta hain gitxi batu
neketsu dala nabari,
zuekin beti zorretan dagoz
Izurtza eta Mañari.

2

Gure bizitza aberasten da
hartu eta emonean,
alkarlanean jardunak gara
eleiz-bizitzan lanean.
Gotzainak jarri zinduezan behin
hemen baserrialdean,
Jesusen Barri Ona zabaltzen
Eleizaren izenean.

4

Gorputz-arima behin ta betiko
Jesukristori emonak,
gaurko Eleizak behar dituan
Jesusen testigu onak.
Hortxe zabiltze Berarengana
zelan ekarri gizonak,
danen partetik hartu eizuez
eskerrak ta zorionak.

6

Azken aholku batzuk biontzat
daukadan esperientziz:
bide luze ta neketsua da
ta ibili pazientziz.
Zuen bihotzak bete eizuez
Jesus Jaunaren presentziz,
orain bateko ehun eta gero
zerua dogu erentziz